


北京圖書館
編

北京圖書館藏家譜叢刊
閩粵（僑鄉）卷

節堂祖世德堂祠址圖

吳堯階繪

北京圖書館出版社



北京圖書館
編

北京圖書館藏家譜叢刊
閩粵
(僑鄉)卷

第 8 冊

北京圖書館出版社

節堂祖世德堂祠址圖

吳堯階繪



二十九世邑
庠士莘巖公



青口平山易東之天監
像贊

公諱覺斯字學汝號莘巖遲園公長子少承家學善屬文以家貧年未冠授徒自給既婚娶身爲家督四壁蕭然幾以病殆越二十六歲遲園公始爲汪棣園先生所知拔置第一其文刊入應繩錄有聲庠序間於是願從之遊者以數百計束脩所入足以贍家而公始稍稍理故業逮康熙甲辰歲黃唐堂先生蒞吾閩得遲園公卷擊節嘆賞冠其曹食廩餼翼日而公隸邑博公長子又隸郡庠至是公年五十有二矣時遲園公以文章宿望爲莆人先一時有公子孫掘寶得寶之謠傳爲佳話嗣

是館於魏江者如故遲園公沒後爲營葬事子若孫且
彬彬林立矣惜旣沒後其遺藁散失無傳向從桐山處
見其一二今桐山且沒其文之存與否不可知余又生
也晚不得見其行事其曾孫子元從敝簾中檢出公墨
蹟則當日爲諸子處分者而他無聞焉余懼公之久而
漸湮也故因子元之請稍爲詮次而撮其大畧如此
贊曰公晚而始遇卒以邑博終命也然觀其旣也學陸
賈出裝爲諸子分財纖悉具備其古之達者歟

甘肅試用知縣族孫弼賚拜譔

五下E字上長陽阿上方言

卷六

二十九世邑增
廣士輯軒公



二十九世邑增

象贊

公諱夔颺字學五號輯軒二無公長子少承庭訓爲文
湛深經術一稟先正法程補弟子員冠其軍試牘膾炙
人口二無公文章氣誼雅重一時旣沒後詞壇推轂以
沉毅重公所至皆想望風采至今莆人士猶曰學五先
生家雖貧而取與不苟間以館穀所入賙卹族鄰族中
某幼捨某寺爲僧公爲贖歸而善視之後其人客江右
徒手立家終其身思公不置云

贊曰公禔躬方正雖久而不遇而卒爲物望所歸方之
古人其殆王彥方之流亞與

錢塘孔傳綸撰

二十九世儒士芝庭公



像贊

公諱鵬颺字學瓊一字鶚笑別號芝庭二無公次子二無公雅負文名不屑治家人生產公讀書經世爲昆季先壯歲業頗裕自始祖光山公以下其董脩祠墓更僕難終平日沿流討源尤熟於祖宗典故乾隆庚午辛未間年已老矣貞谿刺史自酉陽謝病歸猶以族譜屬公重脩公悉心編輯閱四五年而後書成今其書具在先緒之賴以不墜者公力也自奉甚約然義所當爲卒不少吝歐總戎翩未遇時皆公爲之道地云

贊曰以公之才其有所設施如此惜乎其終以牖下老

也當族譜未脩時衆之逡巡者屢矣而公以老儒生搢
柱其間卒以立就豈非有志之士而爲後之孝子慈孫
者所當矜式與

武邑縣知縣族孫池養撰

新刊 日本書紀

卷六

口

二十九世例贈
邑大尹匏居公



邑大尹匏居公像贊

公諱漢颺字學霄號匏居二無公三子少嬰目疾閉戶讀書六經傳註皆上口背誦如流性嚴重教子必以義方夏楚之施不少貸厥後二子卒以成立者由公之教然也

贊曰公以淹貫之才博通載籍使其得試於有司豈非盛事而天卒困之謂之何哉然不于其身而于其子公得此亦可以無憾矣

內閣中書世再姪魏茂林撰

二十九世郡
庠士暉巖公



三才圖會卷之六

像贊

公諱汝光字學山號暉巖懷淇公冢子也少以篤學稱有聲庠序兼工真草書法一時登堂問字者幾爲紙貴至其敦孝友循禮讓綽有古風宜乎後先秉鐸者咸嘖嘖稱焉

贊曰德溫如玉氣藹如春文章該洽道行精純右軍書法雅步後塵家雞野鶩孰與比倫

鎮南教諭黃璵拜譔

二十九世西陽
州刺史貞谿公



青田先生集卷之三

像贊